

ԱՂՈԹՔԻ ԵՒ ԾՈՍԱՊԱՐՈՒԹԵԱՆ  
ԶՕՐՈՒԹԻՒՆԸ

Ծոմապահութեամբ մարմինը կը չարչարուի ու կը տկարանայ, եւ եթէ ուզէ իսկ չի կրնար պոռնկիլ: Այսպէս օրինակ, կը պատմուի, թէ վաւաշտ մարդ մը գեղեցիկ եւ ազնուական կին մը կը սիրէ եւ անոր հաւանութիւնը կը խնդրէ: Կինը կ'ըսէ. «Եթէ հետս անօթի մնաս մինչեւ քեզ կերակուրի կանչելս, ուզածդ թո՛ղ ըլլայ»: Մարդը կը համաձայնի: Կինը երկու օր, հետը նաեւ մարդը՝ ծով կը բռնեն: Երրորդ օրը ան կը պատրաստ սեղանը, ինչպէս նաեւ շքեղ անկողին մը, եւ կանչելով մարդը կ'ըսէ անոր. «Խ՞նչպէս կ'ուզես, անկողի՞ն մտնենք, թէ քաշենք»: Մարդը կ'աղաղակէ. «Կը հրաժարիմ անկողինէն, որովհետեւ աշխարհի բոլոր կիները կ'ատեն հիմա, բայց կ'ուզեմ քաշել, որպէսզի սովէ չմեռնիմ»:

Տեսա՞ր, թէ երբ ծով չէր բռնած ինչպէս կը նեղուէր ախտէն, իսկ պահեցողութենէն ետք բժշկուեցաւ անկէ: Ուստի, նիշտ ըսուած է, թէ պոռնկութիւնը ծովով կը բուժուի, իսկ մտային փորձութիւնները՝ աղօթքով. եւ այսպէս ծովով եւ աղօթքով մեղքերու թողութիւն կը ստանանք Աստուծմէ, որովհետեւ մեծ գորութիւն ունի աղօթքը, մանաւանդ գիշերային աղօթքը: Ինչպէս որ Պօղոսն ու Շիդան գիշերը աղօթելով շղթաները փակեցին եւ բանտին դռները բացին (Գործք. 16.25-27), նոյնը ընենք եւ մենք բանանք ո՛չ թէ բանտը, այլ՝ երկինքը:

ԾՆՆԴԵԱՆ ՏԱՐԵԴԱՐՁԻ ՕՐՈՒԱՆ  
ԱՂՈԹՔ

Ամենակա՛լ Աստուած, արարիչ եւ պահողը բոլոր արարածներուն. դուն, որ ֆու օրհնեալ կամֆովդ սփանչելի կերպով ստեղծեցիր ու կազմեցիր զիս եւ ֆու մեծ նախախնամութեամբդ պահեցիր զիս՝ ծննդեանս օրէն մինչեւ այսօր, բաւարարելով իմ բոլոր պէտքերս: Կ'օրհնեմ եւ կը փառաւորեմ ֆու անբաւ գթութիւնդ, երկնաւոր Հայր, եւ շնորհակալութիւն կը յայտնեմ քեզի: Երկարէ՛ իմ կեանքիս ժամանակը, որպէսզի դառնամ իմ գործած յանցանքներէս, եւ իմ կեանքիս մնացեալ օրերը անցնեմ բարեգործութեամբ եւ ֆու պատուիրաններուդ համաձայն, աստուածահաձոյ եւ զգաստ կենցաղով ու բարեպաշտութեամբ, ֆու փառքիդ համար, որպէսզի իմ հոգիս փրկուի, իմ ծնողներս միթարուին եւ եղբայրներս ու բոլոր ընկերներս ուրախանան եւ օգտուին: Եւ ինչպէս որ ֆու սփանչելագործութեամբդ այս օրը զիս մօրս արգանդէն հանեցիր՝ որպէսզի ժամանակաւոր կերպով այս աշխարհի վրայ ապրիմ, նոյնպէս ալ վերջին օրը զիս երկրի արգանդէն հանէ՛ որպէսզի անմահական եւ յաւիտեական կեանքով ապրիմ ֆու արքայութեանդ մէջ, ֆու լոյսիդ շնորհքով. որովհետեւ դո՛ւն ես իմ Տէրս եւ Աստուածս, ո՛վ իմ փրկիչս եւ ապաւենս. ֆու շնորհքիդ օգնութեան ապաւինած կը մնամ այժմ եւ միշտ եւ յաւիտեանս յաւիտենից: Ամէն:

Միտիլ ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկալին մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարգալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud,  
P.O.Box 80810 -Tel/Fax:01-258300- facebook-ի էջ jerak ճրագ թերթ



ԲՈՒ ԽՕՍԲԴ ԽՍ ՂՅԵՐՈՒՄ ԵՐԱԳ Է ՈՒ ԽՍ ԸԱԽԴՆԵՐՈՒՄ ԼՂՅՍ  
(Ս, 119-105)

ԺԳ. ՏԱՐԻ

ԿԻՐԱԿԻ, 8 ՄԱՐՏ 2020

ԹԻՒ 10

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՅՈՒՄՆԵՐ

Ետայի 54.11-55.13: Բ. Կր 6.1-7.1

ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ԴՈՒԿԱՍ 15.1-32

Գ. ՔԱՌԱՍՆՈՐԴԱՑ: ԱՆԱՌԱԿԻ

ՅԻՍՈՒՄ ՔՐԻՍՏՈՍԻ ԱԲԵՏԱՐԱՆԸ ԸՍՏ ԴՈՒԿԱՍ 15.1-32

Մարդ մը երկու զաւակ ունէր: Կրտսերը հօրը ըսաւ. *“Հայր, քու ստացուածքէդ ինձի ինկող բաժինը հիմա տուր ինձի”*: Եւ հայրը իր զաւակներուն միջեւ բաժնեց իր ունեցածը: Քանի մը օր ետք կրտսեր զաւակը առաւ իր ամբողջ հարստութիւնը եւ հեռու երկիր մը գնաց: Հոն անառակ կեանք մը ապրելով մսխեց հարստութիւնը եւ սպանեց իր ամբողջ ունեցածը:

Պատահեցաւ, որ այդ երկրին մէջ մեծ սով մը տիրեց, երբ արդէն ինք սկսած էր աղքատանալ: Ուստի գնաց այդ երկրի քաղաքացիներէն մէկուն քով ծառայ եղաւ, եւ անիկա իր ազարակը դրկեց զինք՝ խոզեր արածելու համար: Նոյնիսկ պատրաստ էր խոզերուն կերած եղջիրներով իր փորը լեցնելու, սակայն ոչ ոք կու տար իրեն: Երբ անդրադարձաւ իր վիճակին, ինքնիրեն ըսաւ. *«Հօրս տան մէջ քանի՞ գործաւորներ կան, որոնք իրենց պէտք եղած կերակուրէն աւելին ունին, մինչ ես հոս անօթութենէ կը մեռնիմ: Ելլեմ երթամ հօրս քով եւ ըսեմ իրեն. - Հայր, մեղանչեցի Աստուծոյ եւ քեզի դէմ. այլեւս արժանի չեմ քու որդիդ կոչուելու. զիս նկատէ՛ քու գործաւորներէդ մէկը»*: Ապա ելաւ եւ հօրը քով գնաց: Տակաւին տունէն բաւական հեռու էր, երբ հայրը տեսաւ զինք ու գնաց վազելով դիմաւորեց զայն, վզին փաթթուեցաւ եւ համբուրեց: Որդին հօրը ըսաւ. *«Հայր, մեղանչեցի Աստուծոյ եւ քեզի դէմ. այլեւս արժանի չեմ քու որդիդ կոչուելու»*: Հայրը իր ծառաներուն հրամայեց. *«Ամփոջապէս քերէ՛ք լաւագոյն պատմուճանը եւ հագցուցէ՛ք իրեն. մատանի անցուցէ՛ք իր մատին եւ կօշիկ տուէ՛ք իրեն: Բերէ՛ք պարարտ հորթք, մորթեցէ՛ք, ուտենք եւ ուրախանանք: Որովհետեւ իմ այս զաւակս մեռած էր՝ եւ ողջնցաւ, կորսուած էր՝ գտնուեցաւ»*: Եւ սկսան խրախճանքի:

Մինչ այդ, երեց զաւակը ազարակ կը գտնուէր: Վերադարձին, երբ տան մօտեցաւ՝ երգի ու պարի ձայներ լսեց: Կանչեց ծառաներէն մէկը եւ հարցուց թէ ի՞նչ կայ: Ծառան ըսաւ իրեն. *«Եղբայրդ եկաւ. եւ որովհետեւ ողջ-առողջ վերադարձաւ, հայրդ պարարտ հորթք մորթեց»*: Երեց զաւակը զայրացաւ եւ չուզեց ներս մտնել: Այս մասին իմանալով, հայրը դուրս ելաւ եւ աղաչեց որ ներս մտնէ:

Իսկ ան պատասխանեց. *«Տարիներէ ի վեր քեզի կը ծառայեմ. ոեւէ մէկ հրաւանգդ չանտեսեցի, եւ սակայն նոյնիսկ ուլ մը չտուիր ինձի, որ ուրախանայի բարեկամներուս հետ: Մինչդեռ, երբ քու այդ որդիդ եկաւ, որ քու ստացուածքդ պոռնկներուն հետ մսխեց, պարարտ հորթք մորթեցիր անոր համար»*:

Հայրը ըսաւ. *«Տղաս, դուն միշտ ինձի հետ ես եւ ամբողջ ունեցածս քուկդ է: Սակայն հիմա պէտք է ուրախանանք եւ ցնծանք, որովհետեւ այս եղբայրդ մեռած էր՝ ողջնցաւ, կորսուած էր՝ գտնուեցաւ»*:

**ՄԱՐԳԱՐԵԱԿԱՆ ԳԻՐՔԵՐ  
ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԵՍԱՅԻ ՄԱՐԳԱՐԵԻ ԳԻՐՔԵՆ  
54.11- -55.13**

Տէրը այսպէս կ'ըսէ. «Ո՛րկ երուսաղէմ, փոթորիկէն զարնուած անմխիթար տաճարայ, հաշտութիւն պիտի ընեմ հետդ, որպէսզի մխիթարուիս. ահա ես բու հիմերդ շափիւղայ քարերով պիտի դնեմ, պատերդ՝ կարկեհան քարերով, աշտարակներդ կարմիր յակինթներով պիտի կանգնեմ, դռներդ՝ բիրեղէ, եւ շուրջդ պարիսպ պիտի քաշեմ ընտիր եւ թանկագին քարերով:

Բոլոր որդիներդ Աստուծմէ ուսած պիտի ըլլան, գաւակներդ մնայուն խաղաղութիւն պիտի վայելեն, եւ դուն արդարութեան մէջ պիտի հաստատուիս: Այրոնութեան վախը պիտի չունենաս, արհաւիրքը քեզի պիտի չմտնայ: Քեզի եկողները պիտի ըլլան միայն անոնք, որոնք ինձմով դարձի կու գան. իրենց երկիրները ձգելով պիտի գան բու կողմիդ բնակին, քեզ իրենց ապաստանը դարձնելով:

Ահա ես ինքս քեզ հաստատեցի. դարբինը իր փեղցով կրակը կ'արծարծէ եւ կը շինէ գործիքներ որոնք գործածութեամբ կը մաշին ու կը փնանան. սակայն ես քեզ հաստատեցի որ միշտ մնաս:

Որեւէ զէնք պիտի չյաջողի քեզի վնասել, որեւէ յեզու որ կը փորձէ քեզ դատապարտել՝ պարտութեան պիտի մատնես, եւ քեզ ամբաստանողները իրենք պիտի դատապարտուին: Տիրոջ ծառայողներուն ժառանգութիւնը այս է. ես է որ զանոնք կ'արդարացնեմ, - կ'ըսէ Տէրը: Դուք, որ ծարաւ էք՝ ջուրին եկէ՛ք, եւ դուք, որ դրամ չունիք՝ եկէ՛ք գինի ու կաթ առէ՛ք առանց դրամի, առանց գին վճարելու:

Ինչո՞ւ ձեր դրամը կը վատնէք հացէն տարբեր բանի համար. ինչո՞ւ ձեր վաստակը կու տաք այնպիսի բաներու որոնք չեն կշտացներ: Ինձի մտիկ ըրէ՛ք եւ բարիք պիտի վայելէ՛ք, բարիքներով պիտի կշտանաք:




**ՊՕՂՈՍ ԱՌԱՔԵԱԼԻ ԵՐԿՐՈՐԴ ՆԱՄԱԿԸ  
ԿՈՐՆԹԱՑԻՆԵՐՈՒՆ  
6.1- -7.1**

Արդ, որովհետեւ Աստուծոյ գործակիցներն ենք, կ'աղաչենք ձեզի, մի՛ վատնէք Աստուծմէ ձեր ստացած շնորհքը: Որովհետեւ Աստուծոյ կ'ըսէ. «Նրբ յարմար ժամանակը եկաւ՝ լսեցի քեզ, երբ փրկութեան օրը հասաւ՝ օգնեցի քեզի»: Ահա հիմա՛ է այդ յարմար ժամանակը. հիմա է փրկութեան օրը:

Որեւէ բանով պատճառ մի՛ ըլլաք որ Աստուծոյ գործը խափանուի կամ վարկաբեկուի. այլ բոլոր պարագաներուն ալ դուք ձեզ ցոյց տուէք որպէս Աստուծոյ պաշտօնեաներ, մեծ համբերութեամբ յանձն առնելով նեղութիւնը, վիշտը, չարչարանքը, ծեծը, բանտը, խոզարարներու յարձակումները, յոգնութիւնը, անհանգիստութիւնը: Այս բոլորը տարէք մաքուր սիրտով, գիտակցօրէն, համբերատարութեամբ, քաղցրութեամբ, Սուրբ Հոգիով, անկեղծ սիրով, նշմարութիւնը քարոզելով, Աստուծոյ գօրութեամբ եւ արդարութեամբ գինուած՝ չարին դէմ յարձակելու եւ ինքզինք պաշտպանելու համար: Մի՛ այլայլիք ո՛չ փառքէն եւ ո՛չ անարգանքէն, ո՛չ գովասանքէն եւ ո՛չ մեղադրանքէն: Մարդիկ մոլորած թող ըսեն մեզի մեմք գիտեմք, թէ նշմարութեանէն չենք շեղած: Թող չուզեն մեզ ցանցնալ մեմք գիտեմք, թէ մեզ լա՛ւ կը ցանցնան: Թող մեռած սեպեն մեզ մեմք գիտեմք, թէ կենդանի ենք:

**ՍՈՒՐԲԵՐ ԵՒ ՏՕՆԵՐ  
ԿԻՐԵՂ ՀԱՅՐԱՊԵՏ**



Վարդապետ եկեղեցւոյ. ծնաւ 315-ին Երուսաղեմի մօտերը, քահանայ ձեռնադրուեցաւ 345-ին, պատրիարք ընտրուեցաւ 350-ին: Իր առաքինակրօն կեանքին եւ իմաստութեան համար սիրելի դարձած էր ուղղափառներուն եւ նոյնիսկ չարափառներուն, այսինքն՝ արիոսեանց: Բայց պատրիարքական աթոռ ելլելէ առաջ, երբ ըմբերանց այս վերջինները, անոնք հակառակութեամբ լեցուեցան իր դէմ: Այն հակառակութեան հետեւանալով էր, որ անգամ մը գահընկեց եղաւ, եւ յետոյ նորէն դարձաւ Երուսաղեմ, Յուլիանոս Ուրացոյի ատեն, որուն հրէից Տաճարը վերաշինելու անմիտ ձեռնարկին ակնատես իսկ եղաւ: Արիոսականները յաջողեցան վերստին ձգել զինքը իր Աթոռէն, որուն վրայ վերջապէս վերահաստատեց յետոյ զինքը Կ. Պոլսոյ ժողովը: Իր օրով տեղի ունեցաւ Ս. Խաչին հրաշալի երեւումը Երուսաղեմի մէջ, որուն համար ծանուցանող նամակ մը ուղղեց Կոստանդ կայսեր:

Իր հոգեւոր գործունէութեան ամէնէն փայլուն եւ արդիւնաւոր կողմերէն մին եղաւ ի քրիստոնէութիւն դարձրած բազմաթիւ հեթանոսներու, որոնք իր ձեռքէն կ'ընդունէին քրիստոնէութիւնը:

Այս առթիւ խօսած իր քարոզները, որոնք քրիստոնէական վարդապետութեան սփռելի սկզբունքները կը պարունակեն, մեծ մասամբ ամփոփուած են «Կոչումն ընծայութեան» հատորին մէջ, որ ոսկեդարեան թարգմանութեամբ վերածուած է հայերէնի: Թարգմանուած է նոյնպէս Կոստանդ կայսեր ուղղած իր նամակը: Իսկ անանգլիները Երուսաղեմի Ս. Յակոբեանց եկեղեցիի Ս. Ստեփանոս մատրան մէջ կը ցուցնէ աւագանը, որուն մէջ Ս. Կիրեղ մկրտած էր երախայից բազմութիւն մը:

**ՀԱՅՐԵՐԸ Կ'ԸՍԵՆ.  
ՊԱՇՏՅՈՂՈՒԹԻՒՆԸ՝**

Պահեցողութիւնը շրթայի մը նման ամուր կը դարձնէ եւ կը պահէ բարոյական բոլոր առաքինութիւններն ու հաւատքի գօրութիւնը: Ան թշնամիին դէմ հզօր աշտարակ մըն է ու սասանայի բոլոր նետերուն դէմ ամուր պարիսպ մը:

Միայն ունելիքներէ զրկուիլը չէ, որ պահք կը կոչուի, այլ նաեւ բոլոր տեսակի մեղքերէ մաքրուիլը: Պահք է նաեւ չխօսիլը՝ մանաւանդ երբ հարցում մը ուղղուած չէ կամ կարիքը զգացուած չէ խօսելու: Պահք է չքաւորութիւնը, աղքատութիւնը, անելորդ ինչքերով չմտահոգուիլը, միայն օրուան կարիքները հոգալը եւ նոյն բաները Աստուծմէ խնդրելը: Պահք է խոնարհութիւնը, հնազանդութիւնը եւ մաքուր սրտով բոլորը սիրելը: ՅՈՎՆԱՆ ՄԱՆԳԱԿՈՒՆԻ